

INUIT ATAQATIGIIT

INATSISARTUNI



UKA2024/22

29. September 2024

Kristian Jeremiassen

Siunnersuut uunga: Kalaallit Nunaannut suliffissarsiortut killilersimaarnissaat pillugu Inatsisartut inatsisaata allanngortinnissaa pillugu Inatsisartut inatsisaat (Inuit immikkut ittumik Kalaallit Nunaannut attuumassuteqartutut isigneqarsinnaanissaannut tunngatillugu piumasaqaatinik allannguineq)

(Isumaginninnermut, Ilaqtariinnut, Suliffeqarnermut Nunamullu Namminermut Naalakkersuisoq)

Siullermeerneqarnera

Unammillernartua sulisussaaleqinerup ersarissumik nunatsinni misigereerparput malugereerlugulu 1950-ikkunni 1960-kkunnili inunngorsimasorpassuit utoqqalinersiaqalerpata 2030 kingorna suli annertunerulissooq tamannalu ernumanateeqartoq annertunerusumillu iliuuseqarnissaq pisariaqartoq Inut Ataqatigiit isumaqarpugut isumaqarpungullu Naalakkersuisooqatingiinnissami isumaqatingiissummi aammalu ajornartorsiut tamanna qanoq iliuuseqarfinginarlungu takussutissat ilagivaat.

Kalaallit suliffissarsiortut salliutinneqartussaanerat nunami maani atuutissasoq Inuit Ataqatigiit isumaqarpugut taamaammat piffiit ilaani nunaqavissunik suliffissaaleqisoqartoq tikisitsiuarpugut nunatsinni allaammi isumaginninnikkut aningasartuutit ingerlasut kommune-ini ilungersoreersut allamiut tikilluaqquangut Inuit Ataqatigiit ersarissarusupparput inuiaat kalaallit suliffinni salliussasut allanik inangersimaneqaratik.

INUIT ATAQATIGIIT

INATSISARTUNI



Kalaallit suliffissarsioraluartut kangianiilli tikerarpu pisiniarfinni inunnullu sullissivinni allani sulissallutik taava suliassaq uaniilerpoq annerusumik iliuuse-qarfissarput: Kalaallit suliffissaaleqisut ikiorneqartariaqartut ikiortariaqarput annerusumik oqanngilangut Majoriaq pisariaqartuaannassasoq kisianni sulias-sartavia nunaqavissut suliffissaaleqisut allamiunik tikerartitsineq killeqanngit-tumik ingerlatilissanngilarput.

Aappi naalangaaffeqatingiinnitta avataani nunatsinnut suliartortut inuit pisinnaatitaaffii atorlugit sulisariaqarput akiluttorfingineqaratik aammalu akilernerlunneqarnatik tamanna qulakkeertuartariaqartoq Inuit Ataqatigiit isumaqarpugut taamaammat kangiuamiut allamiullu tikittarnerat tikilluaqqusiner-put allaanerussanngilaq ajornermik inoqatititsinnut atungassaqartitsissanngin-natta.

Inuuusuttu suliffissarsiunngittut ilinniaqqinnissamullu periarfissakinnerit karateerit peqqutigalugit periarfissaat pittanngorsartuarneqassasoq Inuit Ataqatigiit oqaatingisarparput "Assessorissanik ilinniarfik" ilisarnarsarlugu produktionsskole-it kommune-ini tamani pilersissasut Naalakkersuisut oqariartuutinginikuusaat pingaartipparput Inui Ataqatigiinniit taamaammat malun-naatilimmik iliuuseqarnissaq piaartumik pisariaqartoq isumaqarpugut tassami assaat sulisinnaasut tamaasa atorfissaqartippapgut soorlu Naalakkersuisut siulittaasuata ammaanermini tamanna ersarilluinnartumik oqariartuutingineqartoq.

Pisariaqarpoq sulisinnaasut ilinniarsimasut naalangaaffeqatingiinnerup avataaneersut atorsinnaasagut atornissaat tassami nunarsuaq angingaluartoq millisutut ilinikuuvoq periarfissarpassuit unammillingassallu nunanut allanut malinnaaffingisariaqaratsigit tamannali killilimmik aqtamik inuiattut

INUIT ATAQATIGIIT

INATSISARTUNI



ikinnerulinnnginnissarput qulakkertuarneqartariaqartoq Inuit Ataqatigiit
isumaqarpugut.

Taamaammat ilinniartitaaneq aammalu nunatta inuinik ineriertortitsiuarneq ukkatarisariaqarparput taamaaliornikkut assaat sulisinnaasut qulakkeernissaat pisussaammat taamaammat Inuit Ataqatigiit oqaatingeqqissavarput ilinniartitaaneq sakkussarivarput meeqqallu atuarfiat siunissamik tunngaviliisoq ingerlalluarnissaa inuiaqatingiittut pisussaaffingalungu.

Siunnersuutip tunngavia Inuit Ataqatigiit ajoriffissaqartinngilarput akissarsiorfiusumik atorfillit aappaannut inooqataannulluunniit sakkukilliliinerussaaq, imaanngilaq killeqanngivissorsuarmik tassa inooqataa-sut aappaasulluunniit periarfissaat annikillissapput avataaniillu sulisusarsiortarner-put pittaanerulissalluni.

Nunarsuarmioqataavugut tamakkualu unammillingas-sat inooqataasut aappaasunut periarfissanik ammaaniarnerat ilinniarluarsima-sut amingaatingisagut pillugit Inuit Ataqatigiit ajorinngilarput taamaammat siunnersuut saqqummiunneqartoq ilalernartippalput.

Qujanaq.